

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1807861848, 1807919886, 1807940741, 1807983786 որոշումներն անփոփոխ թողնելու մասին

<<26> 06 2017թ. 17-4-58215 17-4-3683

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արա Կամոյի Սահակյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Արա Կամոյի Սահակյանը 58215-18 դիմումով խնդրել է թիվ 1807861848, 1807919886, 1807940741, 1807983786 որոշումներով ամրագրված իրավախախտումները վերահասցեագրել իրեն:

Համաձայն «Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին» ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները:

Արա Կամոյի Սահակյան դիմումի ուսումնասիրության արդյունքում պարզվել է, որ իր վարորդական իրավունքի վկայականը, համաձայն ճանապարհային ոստիկանության էլեկտրոնային ռեգիստրի տվյալների անվավեր է, այսինքն վերջինս համարվում է վարորդական վկայական չունեցող անձ, ուստի դիմումատուի կողմից վերը նշված նորմի պահանջները կատարված և խախտումները իր կողմից թույլ տրված լինելը ապացուցված համարել հնարավոր չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1807861848, 1807919886, 1807940741, 1807983786 որոշումները թողնել անփոփոխ:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել Արա Կամոյի Սահակյանին (հասցեն՝ ք.Երևան, Մ.Մելիքյան փ.36 տ.), ակտի հասցեատեր Մերի Մերուժանի Մարտիրոսյանին (ք.Երևան, Ավան, Նարեկացի փ.1Ա շ. 26 բն.) և ՏՄՀԽԱ կենտրոն:


Ե.Կարապետյան